

Uwe mwaminifu bata kufa, nami nitakupa taji ya uzima—Ufunuo 2:10.

Jicho la Mungu lisilofichwa kitu hutambua dosari za wote na hisia kali za kila mtu zitawalazo, lakini bado anavumilia makosa yetu na kutuhurumia udhaifu wetu. Anawasihi watu Wake kuhifadhi roho ya upendo na uvumilivu. Wakristo wa kweli hawatafurahia kufichua dosari na mapungufu ya wengine. Watafikiria juu ya kile tu kivutiacho na kupendeza. Kwa Mkristo kila tendo la kutafuta makosa, kila neno la lawama au la shutuma ni chungu....

Ikiwa wote wanaokiri kuwa Wakristo wangetumia uwezo wao wa uchunguzi ili kuona maovu yanayohitajika kurekebishwa ndani yao wenyewe, badala ya kuongelea makosa ya wengine, kungekuwa na hali nzuri zaidi katika kanisa leo. Wengine watakuwa waaminifu wakati mambo yakiwa mazuri; lakini sera inapokuwa kali, uaminifu husahauliwa. Uaminifu na sera haviwezi kupatana kwa mtu huyo. Baada ya muda, ama sera itaondolewa, na ukweli na uaminifu kutawala, au ikiwa sera itathaminiwa, uaminifu utasahauliwa. Kamwe havikubaliani; havina uhusiano kabisa. Mmoja ni nabii wa Baali, mwingine ni nabii wa Mungu wa kweli. Wakati Bwana anakusanya vito Vyake vya thamani, wakweli, waaminifu na wanyofu wataangaliwa kwa furaha. Malaika wamepewa kazi ya kuandaa taji kwa ajili yao na juu yao taji zilizopambwa kwa nyota zitaakisi uzuri wa nuru ing'aayo kutoka kwenye kiti cha enzi cha Mungu....

Mungu anawajaribu na kuwathibitisha watu Wake. Unaweza kuwa mkali na mkosoaji tu kwa tabia yako yenye kasoro upendavyo; bali uwe mwema, mwenye huruma na mwenye adabu kwa wengine. Jiulize kila siku: je! Mimi ni mwaminifu au ni mdanganyifu? Msihi Bwana akuokoe na udanganyifu wote juu ya jambo hili. Kwa ajili ya maslahi ya milele. Wakati wengi sana wanatamani cheo mapato ya uchoyo, je, ninyi, ndugu zangu wapenzi, mnatafuta kwa hamu uhakikisho wa upendo wa Mungu na kulia: Ni nani atakayenionesha jinsi ya kufanya wito wangu na uteule wangu kuwa hakika?

Kwa umakini Shetani anajifunza namna mwanadamu anavyotenda dhambi na kisha huanza kazi yake ya kushawishi na kuwakamata kwa ujanja. Tuko katika majaribu magumu, lakini kuna ushindi kwa ajili yetu ikiwa tunapambana kishujaa katika mapambano ya Bwana. Wote tuko hatarini. Lakini kama ukitembea kwa unyenyekevu na kwa maombi utatoka katika mchakato wa uthibitisho ukiwa wa thamani zaidi kuliko dhahabu safi, hata kuliko kabari ya dhahabu ya Ofiri. Ikiwa hutojali wala kuomba utakuwa kama shaba iliayo na upatu uvumao.

Wengi wamekaribia kupotea katika njia ya mashaka. Hao ninawaambia: ondoeni mawazo yenu mbali na njia hiyo. Muyaelekeze kwa Mungu. Kadiri imani na utakatifu unavyokuunganisha kwa ukaribu zaidi na Yule wa Milele, ndivyo haki ya matendo Yake inavyoonekana wazi na angavu zaidi kwako. Fanya uzima, uzima wa milele, kuwa kusudi la utafiti wako (**Testimonies for the Church 5:95-98**).